

永平府志

卷三十八建置志
壇廟祠宇上

永平府志卷三十八

建置志七 壇廟祠宇上

風雲雷雨山川壇

府在城南三里南山之麓

橫五十四步直五十三步明正統十三年盧龍知縣

胡琮重建成化六年知府王璽宏治十四年知府吳傑皆重修國朝舊基廢壞知府張朝琮甃甃闢治

同治十三年知府游智開移建於元都觀東

盧龍附府

遷安在城西南一里

撫甯在城南門外

明萬厯開知縣張彝訓修築

昌黎在城南

明洪武三年建萬厯開知縣孟秋築牆垣王漢傑建房一楹三間

永平府志卷三十八 壇廟祠宇上

灤州在城南六里

直八十步橫六十四步牆高八尺四方棚各四廚宰齋房各三間

樂亭在城南里許

明洪武中知縣王文貴建萬厯中于永清建亭潘敦復砌垣周圍廣

袤各二丈八尺久廢國朝乾隆四年知縣施世洪重修廣一十四尺袤一十三尺

臨榆在西羅城南門外

案唐虞望祀山川周禮有風師雨師之祀三代以下漢以丙戌日祀風師於戌地以巳丑日祀雨師於丑地唐詔祀雷同壇宋兆風師於西郊祀以立春後丑日兆雨師於南郊祀以立夏後申日又以雷師從雨師之位獨雲無祀亦與山川不一祀至明太祖洪武二年勅府州縣以風雲雷雨諸天神爲一壇山川城隍諸地祇爲一壇三年命合祀之我

朝定制風雲雷雨山川城隍之神共爲一壇壇制崇三尺方二丈五尺四出陛各三級繚以周垣四門朱色自南門入東南隅爲燎所壇北正中立石王一去壇二尺五寸設三神位風雲雷雨居中山川居左城隍居右神牌高二尺四寸寬六寸座高五寸寬九寸朱



漆青字祭以春秋仲月上巳日風雲雷雨前帛四爵十二山川前帛二爵六城隍爵三帛一皆白色各羊一豕一鉶一簋二簋二籩四豆四

乾隆九年部頒祝文維神贊襄天澤福佑蒼黎佐靈化以流形生成永賴乘氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭修歲祀正值良辰敬潔豆籩祇陳牲幣尚饗

社稷壇

府在城西三里

乾隆五年知府辛應乾以其阻河命知縣楊舜臣改於城西二里今仍在

府西三里知府張公朝琮贊輓闢治

盧龍附府

遷安在城外西北隅

永平府志

卷三十八

壇廟祠宇上

二

撫甯在西門外

明萬厯間知縣張彝訓修築

昌黎在城西一里

明萬厯間知縣孟秋修築

灤州在城西一里

樂亭在城西北一里

明洪武中知縣王文貴建萬厯中知縣于永清建亭潘敦復砌

壇廣袤各二丈八尺繚以周垣久廢國朝乾隆四年知縣施世洪重修廣三十丈袤一十九丈

臨榆在西羅城北門外

案社稷之祀三代之禮不同漢唐諸儒謂以句龍后稷爲配而又以爲非配卽祀至明太祖王孝經說以社爲五土主稷爲五穀主皆自然之氣然廣土諸穀不能徧祀故合土以爲社推長以尊稷也我

朝雍正二年奏準各府州縣設壇壇壇而不屋四圍俱二丈五尺高三尺三出陛各三級北向繚以周垣四門丹油北門出入西北隅設瘞坎一成立石主一埋於壇南正中去壇二尺五寸下入土中上露圓尖神

牌二以木爲之高二尺四寸寬六寸五分跌高五寸
寬九寸五分一書府州縣社之神一書府州縣稷之神
春秋仲月上戊日致祭各帛一爵三帛用黑色其祭
品儀式同風

雲雷雨壇
乾隆九年部頒祝文維神奠安九土粒食萬邦分
五色以表封圻育三農而蕃稼穡恭承守土肅展明
禋時屆仲緒敬修祀典庶九九松栢鞏磐
石於無疆翼翼黍苗佐神倉於不匱尙饗

先農壇

府在東門外周圍計七十三丈爲殿三楹廂房三間

籍田地四畝七分

盧龍附府

遷安在南門外里許

雍正六年知縣王孔彰建地四畝九分

永平府志

卷二十八

壇廟祠宇上

三

撫甯在東關

籍田地四畝九分

昌黎在城外東南隅

籍田地十二畝雍正五年知縣劉玉林置

灤州在東關

籍田地四畝九分

樂亭在風雲雷雨壇右

周圍計五十丈爲殿三楹左右廂房籍田地二畝零雍正

五年知縣李有爵建

臨榆在南門外

籍田地二畝

案古者天子爲籍千畝冕而朱紘躬秉耒諸侯爲籍百畝冕而青紘躬秉耒以事天地山川社稷先古以爲醴酪粢盛於是乎出也三代以下令準古之諸侯守準古之方伯連帥我

朝雍正四年定每歲仲春行耕籍禮壇在東郊方二丈一尺高二尺一寸四出陛各三級繚以周垣三門朱色自南門入壇北建正房三間東西配房各一間神牌高二尺四寸寬六寸座高五寸寬九寸五分朱漆

金字祭品儀式用帛一青色爵三羊一豕
一鉶一簠二簋二邊豆各四罇一祝板一
乾隆九年部頒祝文維神肇興稼穡粒食蒸民頌
思文之德克配彼天念率育之功陳常時夏茲當東
作咸服先疇洪惟九五之尊歲舉三推之
典恭膺守土敢忘勞民謹奉彝章聿修祀事惟願五
風十雨嘉祥恆沐於神庥庶幾
九穗雙歧上瑞頻書於大有尙饗

厲壇

府在城北半里

初建在城北四里隆慶間知府辛應乾以其濱河命知縣潘愚改建

朝張公朝琮肇治

盧龍附府

遷安在縣北關外

壇制四圍五丈五尺崇二尺五寸前出陛三級繚以周垣南爲門

撫甯在城北

明萬曆間知縣張彝訓修築

永平府志

卷三十八

壇廟祠宇上

四

昌黎在城北百步

明萬曆間知縣孟秋修築

灤州在城北一里

直八十步橫五十五步南面一門樓二座牆高八尺齋廚如山川

樂亭在城北二里

地廣袤各九丈八尺壇廣袤各二丈八尺繚以周垣西向樹坊明萬

曆二年知縣潘敦復建

臨榆在城西北

案祭法王有泰厲諸侯有公厲大夫有族厲自三代後或棄不用洪武三年昌黎志作八年誤十二月命京都王國府州縣各立厲壇於城北每歲三祭春清明秋孟望冬孟朔守土官先期牒城隍廟祀日以爲祭主祭餘羹飯則散諸民之無告者用羊二豕三飯米三石我

朝定制因之至里社鄉

厲之設今多廢不行

祝文維神幽明異路守土維均命折殊名求食罔異維聰明正直而一有以作之鑒觀庶君蒿悽愴之

情無不極其情狀爰遵定制率舉明禮凡斯無祀之魂俱屬有生之類爲男爲女姓莫紀於宮商是故是新代何稽於子丑號風嘯雨斷子姓而疇依附草棲煙絕姻親其何託謹設壇於城北仰主祭於尊神惟茲中元禁火禁衣之節敬備牲醴肅具飯羹統一境之幽魂索羣靈而大亨鬼言歸也庶幾望壇隨以知歸神之格思尙其鑒馨香而來格尙饗

城隍廟

府在治東南

康熙戊子知府張公朝琮重修

盧龍縣在府城隍廟左

遷安在縣治西

雍正十三年知縣李廷益道光元年樊如杞同治十三年韓耀光皆重修

撫甯在縣治東南

舊又有撫甯衛城隍廟在縣治西

昌黎在縣治北

明洪武九年立康熙十八年災陳邦齊重修

永平府志

卷三十八

五

灤州在治西迎恩門內

有正殿有路寢有東西序時久廢壞知州張士儼陳士元

相繼增葺殿東有齋宿所嘉靖丁未陳士元重建今復廢道光三十年郡人耿潤等重修

樂亭在縣治西南

明洪武間建萬厯間知縣林景桂于永清潘敦復雷春起及國朝

知縣李有爵相繼修乾隆十八年知縣陳金駿勸閭邑士民會捐重修

臨榆在城西北隅

明洪武間建崇正間巡撫楊嗣昌國朝康熙間守備王遇春重修

案城隍之祀莫詳其始先儒謂有社不應復有城隍然蕪湖城隍廟建於吳赤烏二年唐以後則所在多有宋祠徧天下矣明初祀以壇後罷壇祭祀於廟以五月十一日爲神誕聽民間祈賽今於春秋仲月二分日

致祭

祝文維

神德懋聰明功隆捍禦壯金湯於千載崇

墉表畿甸之規節風雨於四時和會佐歲功之敘禍淫福善顯呈有赫之靈威阜物康民默相無私之化育神庥不應祀典宜昭敬練日時肅陳牲帛馨香

唯德鑒格
在茲尚饗

郡守唐敬一初致告文云維康熙十一年壬子七月
甲辰朔禱日辛亥直隸永平府知府唐敬一等謹
白廼心敢昭告於本府城隍感應之神曰嗚呼旱魃
之災帝天非無因而降凡我僚屬奉 天子命牧
養斯民未能實心撫字致此失業遺黎類多饑寒失
所其或溢怒淫威刑罰失中再或吮民膏血寄我溫
飽有一於此皆足以上干天和下積人怨太守頑冥
不察諸司怙過不悛災及已身固其宜也民何罪之
與有而罹茲凶鞠耶惟神血食北平職司幽贊與太
守表裏斯民若太守無德不能格天尊神猶將顯震
英威譴太守以回天怒若太守苟可告無罪於百姓
則今茲不雨萬竈立見煙寒當亦非神之所安坐而
默默也
謹告

再致告文云敢再告於本府城隍之神曰嗚呼惟神
以帝天喉舌之司造下土一方之命今此下民所爲
歲時伏臘煮蒿悽愴而奔走恐後者凡以爲今日也
北平財盡民窮所恃以延如綫之生者惟有秋是賴

永平府志

卷三十八

壇廟祠宇上

六

日今禾黍垂成而驕陽不雨萬姓攜妻挈子頭搶地
聲震天太守惴惴悔過是用率茲僚屬匍匐伏禱求告
廟前言尊神亦聞之矣朔九午刻仰見陰雲密布霹
靂霏霏意微尊神響應之靈不至此其如敷澤未幾
屯膏如昨豈太守之呼籲有胸無心神不我格乎抑
亦神將吐我而帝天之視聽果高遠而不見不聞乎
非是則天道好生當必不忍縱旱魃之播虐此一方
民若是其甚也太守父母此一方者也尊神禦災捍
患血食此一方者也百姓不敢呼天而呼父母太守
不能問天而問尊神若三日不雨土膏竭十日不雨
千里其顛矣嗟此才遺弱者轉壑强者揭竿鉏走流
離將不旋踵則太守與尊神必有分任其咎者矣神
其鑒而裁
之謹告

三致告文云直隸永平府知府唐敬一等謹免冠匍
伏大聲疾呼三致告於本府城隍感應之神曰嗟乎
此方之民何不幸而罹此旱虐耶北平古稱瘠國其
民刀耕火種其地水立沙飛產無百畝之遺家無僮
石之儲所恃上天降祥時和歲稔顧此遺黎尙得與
畿輔七郡之民承丁負版以上報 天子者饑饉

不臻而不忍輕去其鄉也嗟乎今何不幸而罹此旱
虐耶下官敬一奉 天子命來守茲土未敢登堂
受事先入廟而謁尊神循朔望跪拜之儀盡人神祈
格之禮豈有他哉良以此地方久遭兵變小民鵠面
鳩形兼之弱肉無幾不堪強食是用簡刑息訟訓暴
懲刁片紙蠲供一錢不罰期與二三赤子休息相安
以盡太守心所欲爲力所能爲之事庶幾假此可告
無罪於 天子也至於捍大災禦大患人謀所詘
則太守有所不能者而神實能之此有皇上帝所以
特簡聰明正直之仙班勅爲保障城隍之顯爵俾尊
神理幽贊陽莫麗此一方民以輔佑 天子於以
享此一方之血食而無愧也此其義與下官之奉
天子命而撫摩茲土者將無同今下民罹茲旱虐
雖或天運使然在尊神亦有不能自主然而 天
子者天之子也所以代天而子民也尊神則天之吏
而太守又 天子之吏也無非爲此民也譬如父
母不慈孝子未有聽其違道而不迎幾以諫者人主
有失忠臣未有徒畏膏斧而不折檻以諍者況乎帝
天仁愛養育萬物是其本心而大兵大荒不過數十
年而一見古之人主六事自責舍腹吞蝗亦一言之

善遂可回天此又人事之彰彰者矣若必欲盡此一
方民而饑之饑之使之流離轉徙而不惻然念者斯
又必無之理矣今者陽日以驕禾日以槁萬姓呼天
搶地聲徹重霄太守匍伏悔過叩頭流血一告不已
至於再再告不已至於三凡若此者非敢爲瀆也誠
欲尊神大彰捍禦之能以茲下情上告天帝亦如孝
子之諫其親忠臣之諍其君挽回天怒爲民請命而
已若三告而神不應是必尊神之芻狗生靈而虛擁
天爵也尚不能與人世之敦倫聞道者比其亦何神
之與有語云雖有惡人齋戒沐浴則可以祀上帝誠
爲之通也今太守之夙興跪禱而咄咄不休可謂至
矣而神不我聽則旱其不可藥矣民其無如何矣眼
見千里如焚窮簷燼燬繫析骸易子盜賊繁興且震驚
城社絕滅丞嘗勢所必至太守旣無面目見此北平
父老卽尊神亦豈能覩焉血食對萬姓而無惴乎此
太守之死不擇音泣盡而繼之血也謂神不聽當不
其然神如有靈其疾告帝天立驅旱魃以造萬民之
命再三日不雨則太守不職尊神不靈不靈者法當
黜太守其囚服綬頸遷尊神之行主
於日中共受天罰必大雨乃止謹告

謝雨文云謹以牲牢魯酒致祭於本府城隍感應之神曰於赫惟神至正至靈有禱必應理幽贊明降此時雨粒我蒸民捍災禦患振古英名同天有力記過無心於容慙服其量於麾麾敬其能民其蘇矣永奠北平太守暗昧陳辭失倫譬彼育子罔測高深今日之奠悔罪負荆神不我吐惠然來歆尚享

郡守張朝琮祈雨牒云伏以水旱薦臻雖屬天行之數齋明精禱冀回上帝之心官吏憂惶閭閻愁歎知府張朝琮等頓首稽首具言竊惟此邦爲上國之東藩厥田類冀州之中等蓋山畚鹵壤地利既匪比神皋而恆雨愆暘天時又每違人願念夫深村窮谷豆屑雜糠過豐年而猶見際此鏹石流金木饑火旱度凶歲以何堪矧自春夏以還疊被災祲之至螽斯未滅海若旋來今早魃又見告矣何蒼生罹此極歟凡皆人事之廢荒以致天災之示儆予誠有罪其又何辭然上帝以好生爲心而神明得體天行道官之失職可以降殃民則無辜還期錫福若五日不雨十日不雨是使壯散四方老填溝壑詎五日一風十日一雨不在平平之世蕩蕩之天伏望神人協德視聽同心大雨時行卽俾四郊霑足甘霖早霽更期傾刻飛

永平府志

卷三十八

壇廟祠宇上

八

來則田畯野叟不廢雲漢之詩而鼓蜡餼幽共享太平之樂矣謹牒

祈雨第二牒云伏以精誠通冥漠不逾呼吸之間大早望雲霓未慰閭閻之望謹申悃悃犯瀆神威知府張朝琮等頓首稽首具言竊惟上帝之覆庇蒼生過於慈母之保全赤子有求必得無感不通今乃彌月不雨殆將徧境成災呼天搶地之徒然縱陰閉陽而同效念此終年之勤動與夫稼穡之艱難而饗餼不給既無以養其父母又不能甯其婦子亦情景堪憐雖則天心仁愛偶寓儆於鏹石流金然而民口怨咨常不離乎祁寒暑雨朝琮等變食遷居凡以敬才民福斷屠禁酒未能感格神祇罔不夙興夜寐倍切憂思因之尙德緩刑載深修省所望天流霈澤不致海國如焦俾引領有豐穰之象則撫心無饑饉之憂庶幾百蜡一娛各安田里抑且庶鮮艱食幸免嗟來縱未能若堯舜之世比戶可封亦可以見天地之大於人無憾伏乞鑒此馨香賜民珠玉騰雲致雨勿徒江上空雷蛇化爲龍仁見黑風吹海公私之慶早暮以需謹牒

昌黎王聘儒重修城隍廟碑云昌黎爲永平屬邑古之名地也邑有城隍廟寓於縣治之北大街之西嘗攷本廟壁記重修於至正十四年蓋建於前代遠矣逮我太祖高皇帝奮掃胡元受天明命俾天下置祠各欲鑒察昌黎城隍適當其時屬望尤重於時廟宇蓋嘗修理迨今百六十年有奇風雨摧折瓦脊脫落棟宇滲漏神像壞損晨昏不堪香火鄉耆龍能張綱輦觸目警心戮力協志白於前邑侯山西高公修整緣是鄉城士民捐貲無數堂廡卑隘者增廣之神像弊缺者增補之圖書異常塑設倍昔不數月厥工就緒煥然一新意者其神之助乎茲欲勒石以傳諸後復白於山東秦公公命愚爲文予竊喜公於新任之初值此新美之事則夫神之靈愈加於前公之政日新於後從可知矣官之與神雖有幽明之殊而朝廷所以設置屬望之意實相表裏夫昌黎特天下之一縣令尹特天下之一官城隍特天下之一神自其一縣而言之官之蒞政以臨乎民固矣若夫誠僞罔辨幽微莫彰強衆之凌暴良善之罹於惡與夫風雨不時旱蝗薦至而六畜田產之不蕃且盛者抑孰之責乎嗚呼神之爲靈昭昭矣冥冥之中聿修厥職赫赫

之威丕著斯世別白民情之誠僞顯聞世事之幽微強者必抑弱者必扶眾者必禦寡者必助善者必福淫者必禍雨暘時若年歲多順成災疫不生畜產咸茂盛城池磐固永無外虞之警士民安堵長享太平之休城隍之於斯縣斯民豈曰小補之哉然則我國家聖祖神孫聖聖相承之鴻基大業足以綿之於億萬斯年矣雖然靈固在神而其所以感通之機乎格之具而又未始不相涉於人也以秦公忠誠純厚而庶事之感神無不應以城隍聰明正直而庶事之應公無不行是知神乎公平其所以相爲表裏而上副朝廷之屬望下慰斯民之景仰乎

尙慎旃哉嘉靖三年甲申二月

昌黎知縣王曰翼禱雨文云蓋聞上帝以生萬物爲心而寄其權於神朝廷以愛萬民爲心而分其責於吏是神與吏共有守土之任吏當體朝廷之心以愛萬民神亦宜體上帝之心以生萬物也使民之失所惟吏之愆序之失調亦惟神之咎今者冬旣無雪春復亢陽二麥未布穀種失期杲杲出日密雲不雨嗷嗷萬姓赤地堪憂夫一年之計在於春春時未種秋何所獲終歲之需在於食民食艱矣民命何存神其

忍之乎或者吏之不謹民之暴殄以干神怒此其咎在吏於民何尤抑或旱魃之虐孽龍之崇神不及制江海之封神不得專以重困此一方歟此其害在民惟神是賴吏既爲民請命於神而神亦當爲民請命於天早霽甘霖大甦民困一雨三日四野沾濡惟願應於桴鼓庶幾黷不再三此固大造之美惟神之力也萬民之利社稷之福也吏何功焉敢用披瀝神其聽之

明洪武二年封樂亭縣城隍詔云帝受天命命行政教於天下必有生聖之瑞受命之符此天示不言之妙而人見聞所及者也神司淑慝爲天降祥亦必受天之命所謂明有禮樂幽有鬼神天理人心其致一也朕君四方雖明智弗類代天理物之道實罄於衷思應天命此神所鑒而簡在帝心者君道之大惟與神天有其舉之承事惟謹樂亭縣城隍聰明正直聖不可知固有超於高城深池之表者世之崇於神者則然神受於天者蓋不可知也茲以臨御之初與天下更始凡城隍之神皆新其命瞻此縣邑靈祇所司宜封曰鑒察司民城隍顯佑伯顯則威靈丕著佑則福澤普施此固神之德而亦天之命也司於我民鑒

永平府志

卷三十八

壇廟祠宇上

十

於邑政享茲典祀悠久無疆王者施行

樂亭知縣張德祁重修城隍廟碑記云歲壬辰余蒞任之十年城隍廟配殿儀門補修告成住持道人尹重住請余記之余觀郡邑之有城隍廟在在皆然傾頽之需補葺比比而是然非其時則不能舉乏其財則不能行無其人則爲之而不力謀之而不就今幸時和財足其人足以任事宜乎經始未幾廊廡焜耀門戟巍峩瞻拜威嚴永垂不朽從此春祈秋報禳災捍患里民之有事於茲者神妥人安幽明協慶其所裨益豈淺鮮也余因之而有感矣夫廟者貌也設爲貌而禮之所以起人敬也乃先王神道設教之微意然敬生於心不生於廟入廟而後起敬其爲敬也幾何人能於十二時中日用飲食念念不忘天理卽此已與鬼神合其吉凶福善禍淫原不在惠迪從逆之外故曰神道遠人道邇又曰有道之世其鬼不靈蓋上之人彰善癉惡所以勵世而摩俗者一出於直道之公人心之同又奚待雷霆之擊魑魍之誅然後快於輿情也歟獨是無所勸而爲善無所懲而不爲不善惟守道之君子爲然下此則勸之而猶未必信懲

之而猶不知畏至於勸懲無權而後感應之說果報之士紛紛而起神道之設所以儆愚頑而惕奸宄者其在斯乎後之君子苟能躬行教化由感應而進於勸懲並略勸懲而相忘於無言使民自然蒸蒸向善躋一方於仁壽以無負聖天子愛養元元至意是余之所不逮而實余之所厚望也夫樂亭知縣陳金駿重修城隍廟碑記云人於幽明之理有所未達則往往為佛氏所惑邑民每歲仲冬攜老幼匍匐數十里獻錢於祠宮如遷安景忠山昌黎仙人頂者比比而是蓋俗之漸民久矣顧古來秩祀之典神為重鬼次之若仙與佛皆妄也勤於佞佛而不知事神豈所為達幽明之理者哉余因勸之曰以若所為祠錢香楮與其浮費於無益之地曷若轉而事神之為愈乎邑之城隍其為靈也昭昭矣往歲天行偶愆為旱為潦俱以虔禱得免神之徧為爾德不為不加廟在城隅雖屢經修整近頗廢壞以余計之藉若輩兩巡香楮之費可以振新祠宇維爾亦願為之乎邑中人瞿然如夢方覺各喁喁首肯歲壬申王在豐等首事積財若干貫癸酉又積財若干貫凡兩度而事以襄焉余竊悲鄉人沈溺之久而又幸轉移永平府志

卷三十八

壇廟祠宇上

十一

之易也遂因鄉人之請而書之若夫神之功德不著具在前碣者不述

關帝廟

府二一在縣治東一在南甕城

國朝增二一在城東南隅一在北城上

遷安三一在南門外一在北甕城一在三屯營

其他

關者不列

撫甯一一在治西一在石門路

昌黎二一在治西一在治東

灤州在南月城

舊在城外南街明萬厯間燬於火知州劉從仁改建知州張瑄王家土州

同何思正知州韓應春劉節州判允壽等

又就舊址先後補建有厲給事汝進碑記一在南大

街同治元年郡紳吳錫綬等勸捐重修

樂亭在北門外明萬曆知縣桑高重建國朝雍正

洪重

臨榆五一在西羅城一在東月城一在東城一在演

武場西一在舊招練營餘不可勝載惟石門寨西北

總兵張臣與蒙古戰獲神祐立

廟崇祀宏敞壯麗爲東藩之勝地

案明制祀關侯于雞鳴山每歲四孟及歲暮遣府

官祭五月十三日以侯生辰又遣太常寺祭稱漢前

將軍漢壽亭侯萬曆中封三界伏魔大帝神威遠鎮

天尊關帝君我

朝順治九年封忠義神武關聖大帝各府州縣以春秋

仲月上戊日及五月十三日致祭雍正十三年復增

封三代祀於後殿雍正五年加享用帛一爵三牛一

豕一羊一邊豆各十祭日先詣光昭公裕昌公

成忠公前行禮其祭品用帛三白色爵三牛一豕一

邊豆各八乾隆三十三年加封忠義神武靈祐關聖

永平府志

卷三十八

壇廟祠宇上

三

大帝

乾隆五年部頒祝文維帝浩氣凌霄丹心貫日扶

正統而彰信義威震九州完大節以篤忠貞名高三

國神明如在徧祠宇於寰區靈應丕昭薦馨香於

歷代屢徵異跡顯祐羣生恭值嘉辰

遵行祀典筵陳邊豆凡奠牲醪尚饗

祭關公三代文維公世澤貽休靈源積慶德能昌

後篤生神武之英善則歸親宜享尊崇之報列上公

之封爵

典章明備恭逢誨吉祇事薦馨尚饗

明劉效祖臺頭營新建關王廟碑記云臺頭營城北

多岡巒每夏秋霖雨水輒漲而齧城居者不安堵多

患之然無源之水涸可立待既不能引置爲渠而峻

坂下注卽隄防亦莫可施參戎張君來授鎮事父老

有以其故告者君爲齺脣久之曰父老休矣明有人

幽有神其相違者跡其相通者理也若茲水患當立

神祠以鎮之已又謂漢壽亭侯正神也能爲人禦灾

捍患與其崇事之別所宜莫若就茲地而廟貌焉復

詔父老與訂之父老曰善遂審曲面勢爲之起正殿

者三楹寗室者三楹翼以廡室相向各二楹而柱桓

墉垣靡不締綿備具既告成乃命父老奉侯像自演武廳舊址遷於斯營士卒亦多負弩爲前驅者君爲告奠間以其辭語余曰惟侯之生乃在漢季忠勇天成以興蜀帝英靈不泯既沒爲神保我疆場庇我黎民緊此行潦歲時爲患砥柱其誰惟侯是攀春秋享祀以莫不虔雲輅至止障我潺湲余聞而嗟異之竊謂君以安人事神神必爲君以安人幽明感召捷於影響古所謂能禦大災捍大患則祀之此君事侯之意也不則溟漠中既不與我事而千秋萬祀歷享血食者之謂何神必不然雖君亦不謂神其然矣君屬余爲記余遂檢押其始末以登諸麗牲之石惟侯有神垂靈鑒焉萬曆七年巳卯明撫甯知縣王臺傍水崖關帝廟增田豁糧記云蓋關帝諸天護法之神靈應捷於桴響薄海內外靡不崇而祀之傍水崖者距驪治一由旬而遙舊無帝廟隆慶元年虜從羅漢洞入寇夜渡驪城望旌旗冉冉若有備者遂從間道攻營州時營壁堅諸人畜逃未入城者多爲所剽鹵已而聞我師援至虜遂潰迷其歸路若神在雲端插漢幟截諸酋而蹂於潭中者屍相藉也是役也大將軍榆林張公諱臣以重兵

永平府志

卷三十八

壇廟祠宇上

三

尾其後不費一矢虜無一生還獲其駝馬兵甲無算捷上兩臺請卽崖樹關帝廟祠以祀之給田一百

五十畝以供焚修歲久山空孤僧香積之資半爲風

沙所劫今悉舉而歸之烏有然餘籍尙存微呼者趾

嘗錯於山門也僧有朝投而暮徙者矣丙辰夏兵憲

宛陵黃公以巡邊抵崖閱視入廟肅謁因備詢巔末

深嘉神之精英靈彩散於窮荒絕徼而默有以張國

威又憫僧之窳突寒煙累於行持道乞而顯無以答

神貺因謀所以贍僧者以妥神也時臺承乏驪治查

有額外積湊下地三百畝屬在虛懸請割其半以補

此廟衝壓虛糧之數蓋虛湊與舊額兩抵而不至於

緒累至便也維時太守扶溝劉公據縣由轉詳如議

報可命立石以垂永永勿貽以侵漁

之寶爰書以勒之貞珉萬曆丙辰

明王圖關武安王廟重修碑記云太祖高皇帝驅遂

胡元成祖文皇帝三犁虜庭於九邊重鎮各設督撫

鎮兵以彈壓之獨於薊鎮三邊尤爲吃緊以其外控

遼左內護京陵較他鎮爲至重也錢穀之儲士馬之

盛亦較他鎮爲至備也陝西宣大入衛戍兵分防禦

害砮布星列砧然奠安磐石之勢矣隆慶丁卯值士

蠻襲庚戌之轍糾眾大虜從界嶺口入犯搶永平攻
昌黎灤東一帶擄掠大空荼毒甚慘時督撫會調延
綏入衛官兵應援而榆林東山張公以遊擊將軍分
防古北口聞調卽率所部三晝夜星馳七百餘里薄
虜會薊遼二帥方議戰守良久不決面面相顧張公
覘二帥無主戰之的謀毗裂髮指挺身而前曰將帥
享國家爵祿二百餘年用在一朝此何時也尙作兒
女子之態乎保軀之士何眾徇國之士何鮮也儻若
復有庚戌之變能保他日無身家之累死榮生辱在
此一舉誓眾曰汝多士受朝廷養之恩不思圖報
於今日乎眾士厲聲曰欲以死從將軍東山公擗然
躍馬持戈揮霍手刃數酋虜眾披靡千人奮勇無一
不當百百所謂風聲鶴唳皆爲晉兵者追至傍水崖投
鞭斷流之首盡殲於懸崖巨浸矣河水不流者十日
謝康樂肥水之捷當不右於此也竟有乙其首功者
地方耆舊相率而獻牛酒曰白庚戌至今十有八年
百姓不聞兵火原野遂幸桑麻不意今歲遭此大劫
若非仗將軍神威一方赤地矣今日蒼顏白髮得苟
延殘喘於一日者莫非將軍之所賜願爲將軍立祠
尸祝香火以申崇報公斂衽而謝曰不佞何武而勞

諸君鄭重實藉高皇帝在天之靈今上如天之福神
明默佑幸獲此捷若貪天之功而爲已有或其不然
諸父老緩頰而進曰禮以義起者也祠以禮興者也
願以將軍不伐之德移於關武安王何如夫幽顯一
理神人一心王義貫金石公精忠日月所謂異世同
神曠世相感關卽公公卽關也關之香火千百禩不
絕公之勲業千百世不朽矣公怡然曰惟舉是從嗣
後公厯鎮甘州卜扯二酋首最稱桀驁率常內侵公
約諸士曰授予節鉞權不爲不專錫予蟒玉威不爲
不重詎傍水崖千夫長比哉不犁其庭不已也於是
大獲水泉之捷二酋重創而歸人民始安耕牧至今
張將軍猶有戰勝之碑在此與勒石燕然標銅新息
何相今古也公且請告休沐矣其令嗣承膺且晉延
綏大都護矣彤弓白王之賚載躅庭芳奚啻曹武惠
之蟬聯云而東西拮据王事之勞瘁司功者竟不入
之時疏中馮唐易老李廣難封自古然矣將軍懿達
沈毅毫無扼拏每念闕祀而歎曰丁卯迄今四十餘
年矣其春秋香火之耆舊相繼而淪落矣歲易人非
廟貌傾圯誰復振之時貳師白公自保甯移節北平
且以兼才攝協鎮符公走使曰石門傍水崖君之提

封也有闕武安王祠乃四十年前本土父老所建昭
神明而揚人事者也公其首倡勿廢勿墜公之功德
不淺矣白公卽捐資猶不自居請於大都護而共成
之不已而告竣矣羣策畢諧百物咸集大徹陳構具
起新增堂廡門坊鯨轟夔吼燿燿耀耀無不宏麗京
然壯觀矣由是冠蓋相過瞻禮廟貌撫今追昔因事
考實將軍之奇功偉烈不磨

然宇宙哉萬歷三十八年

明孫承宗重修山海衛關帝廟碑云蓋公之論丹誠
也曰天有日人有心夫曰在天人人皆仰終古常新
天下各據所見以爲嚮慕而日在天不知故冬以爲愛夏
以爲畏畏愛生於人心而日在天不知故冬以爲愛夏
畏公之靈感在天下每當狂恣橫暴之暑輒見夫龍
旗火馬掀髯而巡羣絕倫者公也則畏及困阨蹙迫
水火盜賊之變呼天呼父母不可得而解者公若爲
手提煩惱以列之清涼則又愛至習於所畏所愛則
禍乞爲之免福乞爲之予而且愛且畏凡今之細民
不習孔氏而大人不佞佛然罔不畏愛公如其習孔
氏而佞佛者殆如日然天下各據其心所願以享之
自有生民以來未有盛於公也昭烈提三尺於漢末

永平府志

卷三十八

壇廟祠宇上

齋

公與邂逅定王霸大畧譎強如孟德議遷都以避險
傑如仲謀願結昏媾公爲詈斥不屑公識畧自足千
古史記公於武侯頗有小間又羞與黃漢升同列何
也陳壽於蜀志多涉微辭或不無少誣予謂公差有
深意非誣也昭烈奔走狼戾取國於他人人心未定
所與如膠漆者惟公及桓侯諸葛爲相固無俟有所
喻以明心以山野書生驟冠百僚謀臣猛將豈可以
空言懾服昭烈借公發魚水之言以曉喻將士當時
必自有說漢升猛士耳昭烈收降推心任之未必不
虞其驕驚難制公特云不平以寓藜藿不採之意史
遂據迹以書不然將與相不和漢何國之能爲公與
昭烈誼同兄弟誓結死生苟利社稷遑恤其他而悻
悻然望偶語沙中君臣將相間有遺議哉嗚呼天有
日人有公夫忠而不變冬夏心不變險夷公之心如
之心如公夫忠而不變冬夏心不變險夷公之心如
心爲影響無不一遊公神威中頃者予與諸大吏
將領盟於公之祠曰試捫此心有初終相戾面背相
渝心口相逆知性命不知忠義知身家不知朝廷者
神其殛之今誠與關人士提此語以反此心能無爲
予所盟叱者其心之丹如公卽如日又安在龍旗火

馬鬚髯如戟翩翩乘風雲而降止者爲公也天啓甲子余閱兵覺華幾殆陽侯之難或言公降神佑護一時喧傳以其語涉怪畧爲輯祠於甯遠未暇爲記茲復蒞關門借二三吏士力蒸蒸祝神之休隨其心所願以印公心於不窮此公之所以爲盛也祠立於山海衛城西關衛北創於崇禎庚午判山海沈承源副將軍葉時新等重修視舊址擴十七八予旣取公語爲顏其坊曰天日丹心又嘉諸將吏意爲之記國朝趙秉恕傍水崖關帝廟重修碑云時維九月節值重陽是日也或升戲馬之臺或陟龍沙之郡古人登高遠眺良有以也余與二三知己心焉志之攜菊酒把茱萸行行且止步於傍水崖之關帝廟焉登其室也見神威赫奕肅穆祀於千秋廟貌巍峩仰輝煌於百代私心竊計此必有人焉前爲開後爲繼苦心勞力於其間者爰進任持僧海貴而問焉曰斯廟也由來舊矣茲者正殿偏殿何以能葺飛煥彩鐘鼓二樓馬殿山門何以能粉塋凝霞且東有爽塏創客舍前後六間又何以能堂構一新維時海貴起而對曰僧來斯廟數十餘年矣念駐蹕棲棟霜露沾衣非所以敬神也且歲逢五月十三日六會虔心將享人集如雲席地者大半又非所以延賓也緣是同六會諸公立願修補六七年間經營締造幸而告竣願先生爲僧誌之嗟乎余鄙人也何能誌哉將溯其創立之由謂此爲張將軍建功處也前人勒諸石已詳言之矣吾胡爲乎贅將指其形勢之勝謂此襟山帶河蒼松巢鶴別有一天地也又爲有目所共識余維是緬懷已往逆計將來而知今日之重修不可不誌矣粵自前明勅建以來歷有補葺至康熙四十六年六會同心廣其式廓豈爲目前計也亦爲後人繩繩勿替無廢厥功耳迄今五十餘年漸卽頽敗海貴於是廢者修墜者舉極力整飭更於東偏創客舍數間以補前人所未及且無論有當於勅建之初心卽六會之重修盛舉亦賴海貴而彌新也不甯惟是茲又屬余卽事屬詞用垂久遠他日有繼此者觸目興懷不敢廢墜亦莫非海貴力也雖然海貴一僧而囊斗粟何克建此功德是皆六會捐資樂貢共散謫仙之黃金因而海貴鳩工庀材得運公輸之鬼斧海貴之志六會成之六會之有補於斯廟也豈淺鮮哉然有說焉聰明正直之謂神帝正神也無意於廟之廢興然而正氣之充塞感人心於不容已者其爲靈固昭昭也